
Leson 2:Fè Konsiltasyon Ansanm

Ou kapab anseye tout leson an oubyen separe l an segman ki pi kout. Adapte leson an a sikonstans lokal yo ak bezwen yo, laj yo, ak konpreyansyon kowòm ou an oubyen prezidans klas ou a.

NOU JWENN FÒS NAN FÈ KONSILTASYON ANSANM

Fason Senyè a dirije Legliz Li a se atravè konsèy (gade nan [Doktrin ak Alyans 43:8-10](#)). Fè konsiltasyon ansanm kapab ede nou pou nou fè youn kòm kowòm oubyen prezidans klas, pou lespri a dirije nou lè n ap pran desizyon, ak pou nou vin pi efikas lè n ap fè travay Senyè a. Kijan fè konsiltasyon ansanm kapab ede nou pran pi bon desizyon?

FÈ KONSILTASYON ANSANM KAPAB EDE NOU RESEVWA REVELASYON

Èldè Neil L. Andersen ansenye ke “revelasyon gaye pami nou” (nan [“Auxiliary Panels Use New Training Library,”](#) *Ensign*, Avril. 2011, 76). Fè konsiltasyon pèmèt nou rasanble revelasyon sa yo pandan n ap planifye ak reyalize travay Senyè a. Pou w ilistre ide sa a, ou ta kapab bay chak manm prezidans lan kèk pyès yon kastèt senp epi envite yo travay ansanm pou yo konplete kastèt la.

- Kijan egzanp sa a aplike a fè konsiltasyon kòm yon prezidans?
- Poukisa li enpòtan pou tout moun kontribye nan yon konsèy?
- Kisa nou kapab fè pou ede tout moun santi yo alèz pou yo patisipe?
- Kisa nou kapab fè pou nou envite ak koute Sentespri a pandan nou ap fè konsiltasyon ansanm?

Panse a yon defi oubyen yon bezwen nan kowòm ou an oubyen klas ou a. Pratike konsiltasyon ansanm sou jan nou kapab fè sa.

RESOUS POU SIPÒ

- [Matye 18:20](#)
- [Etè 2:14–3:16](#)
- [Doktrin ak Alyans 88:122](#)
- [Doktrin ak Alyans 107:84–87](#).
- M. Russell Ballard, “[La Force dans le conseil](#),” *L’Étoile*, janvier 1994, 86-89.
- *Manyèl Jeneral: Sèvi nan Legliz Jezikri pou Sen Dènye Jou yo*, [10.4](#), [11.3.4](#), [ChurchofJesusChrist.org](#).